



**ACARA PARTANGIANGAN
PANUTUP DI TAON 2023
HKBP BERINGIN INDAH
RESSORT BERINGIN INDAH**

EV. JESAYA 65:17-23

EP. PANGUNGKAPON 21:1-4



HURIA KRISTEN BATAK PROTESTAN

Rabu, 22 November 2023

01. Joujou mamuji Debata (U: Uluan H: Huria)

U : Tabe ma di hamu nahinaholongan di bagasan Kristus Jesus. Borngin on ima partangiangnan parpudi di hurianta HKBP Beringin indah di taon 2023 on, ta rajumi Tuhanta do napatolhashon hita patupahon partangiangnan saleleng di taon 2023 on.

H : **Asi ni rohaM do ale Tuhan na patolhashon hami on. Sai lohot tu Ho ma rohangku ale Tuhan, jala sai tangan siamunMi ma na tongtong manogu au.**

U : Songon parsorin ni angka partingkian, songon i do marsorin angka ari, bulan dohot taon di hita. Alai anggo Tuhanta si tolu sada i, hot do salelenglelengna.

H : **Asi ni rohaNa pe hot do salelenglelengna, alani i tama do pujionta Ibana.**

U : Antong tapungka ma partangiangnan na parpudi di hurianta di bagasan tingki on. Tapuji ma Tuhanta sian nasa rohanta! Marende ma hita.

02. Marende BE. No. 769 : 1-2 “Tu Debata Do Panghirimonhi”

✓ *Tu Debata do panghirimonhi, di tano laut nang di awangawang i. Ibana do haposanhi, tongtong do di ramoti langkangki. Torop pe mara manahopi au, Debatangki do sumarihon au, Pos rohangki, sonang do au Ibana do na mandongani au. (Ruas Jongjong)*

✓ *Amporik i nang bungabunga i, ro di sude na tinompaNa i. Na metmet nang balga i, Ibana do na marmuduhon i. Torop pe mara manahopi au, Debatangki do sumarihon au, Pos rohangki, sonang do au Ibana do na mandongani au.*

03. Votum- Introitus-Tangiang

U : Mahitehite Goar ni Debata Ama dohot Goar ni AnakNa, Tuhan Jesus Kristus dohot Goar ni Tondi Parbadia, na tumompa langit dohot tano on. Amen. Sai tong do mamerengi matangku tu Jahowa, ai Ibana do manganet pathu sian jorgong. Sai dompakhon ma ahu, jala asi rohaM di ahu, ai punjung jala na dangol do ahu. Ho do, ale Jahowa, dihalungunhon rohangku, Ale Debatangku marhaposan tu Ho do ahu, sai unang paila ahu. Haleluya. **Martangiang Ma hita!** Ale Amanami na dibanua Ginjang. Parasiroha na sumurung di sude jolma! Ndang diolani Ho AnakMu na sasada i, dilehon Ho do Ibana humophop hami mamorsan dosanami sahat tu hau pinarsilang i. sai patogu ma rohanami, asa unang ganggu rohanami manghaporseai haseseaan ni dosanami, asa unang mandele hami ala ni dosanami, alai asa pos situtu rohanami di asi ni rohaM na godang i marhitehite Tuhan Jesus Kristus Tuhannami, Anak haholongan ni rohaM i. Amen
(Ruas Hundul)

04. Marende BE. No. 214:1+3 “Sonang dilambung Jesus”

- ✓ *Sonang dilambung Jesus, sonang na ro tu si. Unang be ho mabiar lao mandapothon i. Tongtong dijouon Jesus Sai ro ma tu au, tadinghon haholomon jala haposi au. Sonang dilambung Jesus, sonang na ro tu si unang be ho mabiar lao mandapothon i.*
- ✓ *Sonang dilambung Jesus, rap hita lao tu si. Inganan na umuli do di lambungNa i. Ai nunga diparade hasongannta i asa marhasonangan na ro tu Jesus i. Sonang silambung Jesus, rap hita lao tu si. Inganan na umuli do di lambungNa i.*

05. Epistel Pangungkapon 21:1-4

- U : Turpuk Epistel dipartangiangan borngin on ima na tarsurat di Pangngkapon 21:1-4 ta jaha ma marsingkat sorin. Dung i huida ma banua ginjang na imbaru dohot tano na imbaru, ai nunga salpu banua ginjang na parjolo dohot tano na parjolo i; langit i pe ndang adong be.
- H : **Jala huida ma huta na badia i tuat sian banua ginjang sian Debata, i ma Jerusalem na imbaru, na pinature songon oroan na sinunggulan mandapothon harajaonna.**
- U : Jadi hubege ma soara na gogo sian habangsa i na mandok “On do Joro ni Debata di tongatonga ni angka jolma; na maringanan ma ibana di tongatonganasida, jala nasida ma bangsoNa, jala Debata sandiri saor tu nasida”
- H : **Jadi apusan ni Debata ma nasa iluilu nasida sian matanasida; ndang adong be hamatean nang arsak ni roha; nang anggungangguk, nang na hansit, ndang disi be ai nunga salpu na parjolo i.**
- U : Ido sahatna. Martua do angka na tumangihon hata ni Debata jala na umpeopsa.
- H : **Amen**

06. Marende BE. No. 724:1-2 “Tuhan baen ma ngolungkon”

- ✓ *Tuhan baen ma ngolungkon, parbadia ma di Ho. Pangke ma nang tingkingkon mamuji pasangap Ho, mamuji pasangap Ho*
- ✓ *Tanganhi di Ho ma i mangulahon holongMi. Dohot pangalahongki sai hombar tu lomoMi, sai hombar tu lomoMi.*

07. Jamita: Jesaya 65:17-23

08. Marende BE. No. 392:1-2 “Sai pasiat Tuhan Jesus”

- ✓ *Sai pasiat Tuhan Jesus tu bagasan rohami. Sai maimaima Jesus bege panuktukNa i. Sai pasiat Tuhan Jesus jangkoni tuhami. Nunga tingki parasian, sotung jolo salpu i.*

- ✓ *Hariburon na di tano, sai ringgas di jangkong ho marisuang Tuhan Jesus sai dihagarishon ho. Sai pasiat Tuhan Jesus jangkong i tuhami. Nungga tingki parasian, sotung jolo salpu i.*

09. Pasahat Bakti sosial sian Punguan Ina Debora tu Ruas ni Huria

10. Marende BE. No. 697:1~2 “Molo Ho do huihuthon”

- ✓ *Molo ho do huihuthon dame sonang rohangki. Sai horas jala martua nasa na hinophopMi. Reff... Ho tongtong ihuthononhu Jesus na palua au. Ho sambing oloanhu ala nii martua au.*
- ✓ *Na rade do au manaon mangasahon padanMi. Molo Ho na margogoihon talu haholomon i. Reff... Ho tongtong ihuthononhu Jesus na palua au. Ho sambing oloanhu ala nii martua au.*

11. Tangiang Pangondianon

12. Marende BE. No. 802:1... “Pangke tingkim saonari” P. Pelean

- ✓ *Pangke tingkim saonari dapothon ma Tuhan i, unang godang sidalian, ingot jempek ngolumi. Reff... Nungga rade hasongan, disurgo i, disurgo i, unang adong nanggo sada na so parjambar disi.*
- ✓ *Suan ma holong ni roha, tiru ma Tuhan i, las ma roham di gotilon jalo ma balos ni i. Reff... Nungga rade hasongan, disurgo i, disurgo i, unang adong nanggo sada na so parjambar disi.*
- ✓ *Molo taida donganta na sai marungkil tongtong. Unang pasombu sai susa, tgu urupi antong. Reff... Nungga rade hasongan, disurgo i, disurgo i, unang adong nanggo sada na so parjambar disi.*

12. Tangiang Panutup: